

## UGOVOR O JAVNOJ NABAVCI

### Ugovorne strane :

1. **KJKP "Vodovod i kanalizacija" d.o.o. Sarajevo**, ul. Jaroslava Černija br. 8., Sarajevo, koga zastupa direktor Nezir Hadžić, Magistar uprave (u daljem tekstu: Kupac)
2. **„CMC EKOCON" d.o.o. Sarajevo**, ul. Bosanski put broj 215., Ilijaš, koga zastupa direktor Samir Vladović (u daljem tekstu: Prodavac).

### Član 1.

Predmet ovog ugovora je nabavka roba: **"Bunarski pumpni agregat horizontalna ugradnja sa pripadajućim tlačnim plaštom za P.S.BAČEVO-R.IGMAN: Q=200 l/s, H=75m"** (predmetna nabavka je planirana Planom nabavki za 2016. godine, Izmjenama Plana nabavki za 2016. godine pod rednim brojem 116., Odlukom Nadzornog odbora preduzeća broj 09-05/16 od 29.09.2016. godine i Odlukom Nadzornog odbora preduzeća broj 11-06/16 od 16.11.2016. godine) po provedenom otvorenom postupku broj 95/16 lot 6, a sve prema tenderskoj dokumentaciji br. 95/16 lot 6 i usvojenoj ponudi broj: P17010-0 od 08.02.2017. godine, koja je sastavni dio ovog ugovora.

### Član 2.

Ukupna vrijednost nabavke iz člana 1. ovog ugovora bez poreza na dodanu vrijednost je fiksna i iznosi: **238.000,00 KM** (slovima: **dvjestotridesetosamhiljada KM**).

Ukupna vrijednost nabavke iz člana 1. ovog ugovora sa uključenim PDV-om iznosi: **278.460,00 KM** (slovima: **dvjestosedamdesetosamhiljadačetiristošezdeset KM**).

**U cijenu su uključene carine, takse, osiguranje kao i druge dažbine date na paritetu FCO Sarajevo – skladište Kupca. Ugovorena cijena uključuje pored navedenog i pakovanje, transport i troškove osiguranja. U ugovorenu cijenu su uključeni i putni troškovi i troškovi boravka dva predstavnika Kupca radi testiranja, provjere i ispitivanja pumpnih agregata koji će se obaviti na ispitnoj stanici proizvođača.**

Ugovorena cijena je fiksna i ne podliježe bilo kojim izmjenama.

### Član 3.

Prodavac se obavezuje da robu koja je predmet ovog ugovora isporuči prema uslovima iz tenderske dokumentacije i prihvaćene ponude.

Prodavac se obavezuje da će uz isporučenu opremu dostaviti i slijedeće:

- Ispitni protokol prema EN ISO 9906-1B
- Kartu viklovanja namotaja motora
- Crtež presjeka agregata sa pozicijama dijelova
- Specifikaciju svih pozicija sa kataloškim brojevima
- Preporučeni set rezervnih dijelova
- Crtež tlačnog plašta, sa ugradbenim mjerama
- Tehničko uputstvo za montažu, rukovanje i održavanje
- Adresa najbližeg ovlaštenog servisera i kontakt osoba
- Jezik originalne tehničke dokumentacije: engleski (2 kopije)
- Uputstvo za montažu, rukovanje i održavanje na jednom od službenih jezika u BiH (2 kopije)
- Garantni list sa garantnim uslovima ( 12 mjeseci od ugradnje, odnosno 18 mjeseci od isporuke)

Kompletna tehnička dokumentacija treba da se odnosi za konkretne pumpne agregate koji su predmet nabavke i isporuke.

Prodavac se obavezuje da će obaviti testiranje i ispitivanje pumpnih agregata na ispitnoj stanici proizvođača u prisutnosti 2 predstavnika Kupca.

#### **Član 4.**

Prodavac će predmetnu robu isporučiti u skladište Kupca, ul. Gliše Jankovića broj 8., Sarajevo i to u roku 18-20 sedmica od narudžbe.

Prilikom isporuke robe u otpremnici, pored iskazane količine, potrebno je obavezno navesti i usvojene jedinične cijene iz ponude Prodavca.

Ugovorne strane su saglasne da se kvalitativni i kvantitativni prijem robe izvrši zapisnički putem Komisije koju sačinjavaju ovlašteni predstavnici svake ugovorne strane.

#### **Član 5.**

Zapisnik iz člana 4. ovog ugovora je osnov za plaćanje ugovorne cijene.

#### **Član 6.**

Način i uslovi plaćanja su: u roku od 60 dana od dana isporuke robe i ispostavljanja fakture, na transakcijski račun Prodavca broj: 1327310010299007 kod NLB Banke.

#### **Član 7.**

Prodavac ima pravo na produženje ugovornog roka u slučaju više sile.

Rok za isporuku predmetne robe produžit će se za onoliko dana koliko je trajala smetnja.

Prodavac je dužan podnijeti zahtjev za produženje roka Kupcu u roku od **3 dana** po nastanku razloga za produženje roka.

Produženje roka utvrđuje Kupac u pisanoj formi i to u roku od **5 dana** po pisanom zahtjevu Prodavca.

#### **Član 8.**

U slučaju kašnjenja u isporuci roba, do kojeg je došlo krivicom Prodavca, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Prodavac je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Kupca.

#### **Član 9.**

Robe koje su predmet ovog Ugovora, moraju biti u skladu sa kvalitetom naznačenim u usvojenoj ponudi.

Ukoliko se utvrdi da roba koju je Prodavac isporučio ima greške ili nije ugovorenog kvaliteta, Prodavac je dužan robu koja je predmet reklamacije zamijeniti sa novom.

Prodavac daje garanciju na kvalitet i funkcionalnost na svu isporučenu robu u trajanju od 12 mjeseci od ugradnje, odnosno 18 mjeseci od isporuke. Garancija za isporučenu robu obuhvata sve kvarove nastale usljed grešaka u projektovanju, proizvodnji i materijalu ili instalisanju.

#### **Član 10.**

Prodavac se obavezuje da neće sklapati podugovor ni o jednom bitnom dijelu ugovora bez prethodnog pismenog odobrenja Kupca.

#### **Član 11.**

Na sve odnose i institute koji nisu regulisani ovim ugovorom, primjenjivaće se odgovarajuće odredbe Zakona o obligacionim odnosima, a eventualni sporovi rješavat će se sporazumno.

Ukoliko sporazumno rješenje nije moguće, nadležan je sud u Sarajevu.

#### **Član 12.**

Prodavac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

### Član 13.

Sve eventualne izmjene i dopune ovog ugovora, ugovorne strane će dogovarati međusobno uz obaveznu pismenu saglasnost ugovornih strana.

### Član 14.

Kupac može pisanim obavještenjem poslatom Prodavcu, navodeći pri tom dan stupanja na snagu raskida ugovora, raskinuti ugovor u sljedećim slučajevima:

- ukoliko Prodavac propusti da isporuči predmetnu robu u vremenskom periodu određenom u ugovoru;
- ukoliko Prodavac propusti da izvrši sve druge obaveze prema ugovoru koje bitno mogu djelovati na Kupčev rad;
- ukoliko Prodavac bankrotira ili je insolventan na drugi način, pod uslovom da takvo raskidanje ne oštećuje ili ne djeluje na bilo kakvu obavezu koju Prodavac ima prema Kupcu.

Prodavac, može takođe pismenim putem raskinuti ovaj ugovor, u slučaju da Kupac ne ispuní obavezu plaćanja, kako je definisano u članu 6. ovog ugovora.

### Član 15.

Ovaj ugovor stupa na snagu kada ga potpišu obje ugovorne strane a zaključuje se na period od 12 (dvanaest) mjeseci od dana potpisivanja istog. Ugovor je sačinjen u 6 (šest) istovjetnih primjeraka od kojih po 3 (tri) primjerka zadržava svaka ugovorna strana.

Sastavni dio ugovora su:

- Tenderska dokumentacija br. 95/16 lot 6
- Usvojena ponuda br. P17010-0 od 08.02.2017. god.

**Za Prodavca**

**Za Kupca**

**v.d. Izvršni direktor  
za vodovodni sistem**



Kenan Đipa, dipl.ing.el.

**Direktor**



  
Samir Vladović CMC Ekoson d.o.o.

Broj: 505/17.....

Datum: 10.05.2017.g.

**Direktor**



  
Nezir Hadžić, Magistar uprave

Broj: 143/17.....

Datum: 08.05.2017.g.